



UNIVERSITÄTS-  
BIBLIOTHEK  
PADERBORN

## **Mariae Virginis Sacratiss. Miracvlorvm Libri Tres**

**Vismara, Ercole**

**Mediolani, 1579**

Mirac. Virg. XXII. Adolescens, quem Satan in pudicae matronae amorem coniecerat, Virgine iuuante, se recipit.

---

[urn:nbn:de:hbz:466:1-64305](https://nbn-resolving.org/urn:nbn:de:hbz:466:1-64305)

Virgini perpetuas gratias agens, in tam immortali beneficio praedicando reliquum uitae consumpsit.

## MIRAC. VIRG. XXI.

*Ab adulterij peccati consuetudine mulier abducitur.*

**M**ilitis uxor, a caco daemone impulsu, cum altero milite adulterium admisit. Post aliquot dies diuino afflatu instincta, ob illud crimen, grauissimum dolorem cepit; statuitq. ab illo omnino se abducere. At non ita ad altero decretum erat, qui nactus occasionem, dū mulieris maritus aberat, eam uti consueuerat, ad adulterium prouocauit. Cū illa minimè ei obtemperare statuisset, uī stuprū inferre conatur miles. ipsa, quae ab illius uiolentia se minimè tutam esse existimabat; ad castitatis reginā confugit, illam obsecrans, ut se à nefandis militis manib. per sanctissima illa uerba, AVE MARIA, eriperet. His uerbis statim militis uires omnes prostratae, & abiectae conciderunt; ita ut eo tempore incorrupta mulier euaserit; neq. amplius eam ipse posseā, aut eius pudicitiam attentare ausus fuerit.

## MIRAC. VIRG. XXII.

*Adolescens, quem Satan in pudicae matronae amorem coniecerat, Virgine iuuante, se recipit.*

**T**yro adolescentulus Veterano militi inseruiens, unā cum eo aetatem agebat. Is, licet forma ex-

cellenti esset; puritate tamē animi, ac uirginitate erat  
 praestantior. Sat tanti boni inuidus, astutē in ado-  
 lescentem peruersum ingeniū coepit intendere, dans  
 operam, ut herilis uxoris amore caperetur. Penita, &  
 interiori flamma exardēs, eam totum annum celauit.  
 Tandem non potēs amplius perferre, è pudoris finib.  
 exiens, mulieri amorem suum aperuit; quae castissi-  
 ma, & marito fidissima ipsum repellebat. At magis,  
 magisq. in misero quotidie ardor crescebat. Quare  
 sancto eremita lacrymans exposuit, quā ardentēs  
 ignes sibi interiores medullas exederent. Pollicitus  
 est eremita, tantō malo optimē consultum iri, si con-  
 siliū suū sequi decreuisset. Itaq. hortatus est amo-  
 re perditum iuuenem, ut integrum annum Angelicā  
 salutationem singulo die centies memorare pergeret  
 ea ratione quicquid uoluisset, à Virgine sacrosancta  
 impetratum iri dicens. Sciebat. n. uir optimus à ca-  
 stitatis tutrice, castum iuuenem nunquam desertum  
 iri. Illud maxima puritate, & animi integritate, face-  
 re iuuenis non destitit; ita ut iam ad extremum anni  
 diem uentum esset; quo die unā cum hero accumbens  
 ad memoriam redijt, tunc annum exigi, quo pium uo-  
 tum persolueretur. Is statim discumbens, & in equum  
 insiliens, recta delubrum petijt, in quo solitae preca-  
 tionis muneri satisfecit; annusq. uoti conclusus est.  
 Exiens autem è tēplo, ab augustissima matrona equū  
 uidit teneri; & ab illa ita compellatus est: An tibi, ado-  
 lescenti, iucundus, & pulcher uidetur meus aspectus?  
 Responderat miles, nihil à se unquam pulchrius ullo  
 tempore uisum fuisse; cū benignissima regina haec  
 addidit: Tua ego sum amica, & sponsa, propiūs acce-  
 de,

de, ut te exosculet: hoc nuptiarum sit initiū, quae uerae, & perfectae apud filium meū huiusmodi die fiet. Sensit illam Dei parentem purissimam, & illibatā esse, quae hominum integritate, & castitate miris modis oblectatur. Quare ab eo tempore infani eius amoris ardor ita in milite extinctus est; ut ualde heri ipsius uxor miraretur. His omnib. eremitaefactis, & ego, inquit, ille, hisce nuptijs celebrandis interesse cupio. praestituta die adueniente miles in eremitaefactis conspectu animam efflauit; quae leuissimo uolatu ad celebrandas in coelesti cubili nuptias euolauit.

## MIRAC. VIRG. XXIII.

*Mortem expectanti Virgo adest.*

**S**acerdotis famulus, qui mutus erat, & surdus, in grauiſſimum morbum inciderat, & iam in uitae periculo uersabatur. Eum tunc Virgo salutauit huiusmodi uerbis: te filius meus saluum, & incolumē propitiatus seruet, protegat, & foueat. Quib. dictis statim mutus loqui, & liquidò audire incepit. Quin etiam monitus fuerat ab eadem beneficētissima Virgine, ut accerferet sacerdotem, uti peccatis omnib. editis mystico pane aleretur. Se. n. illum secum ad beatorum acuum perducturum, ipsa promittebat. Mirabantur omnes, cur ei, qui mutus natus erat, tanti potestas data esset. Dixit ille, à Virgine se iam immortali beneficio fuisse affectum, quam suis oculis eo tempore uiderat. Scire omnes studebant, quatenam tanti muneris, & tantae beneficentiae erga illum fuisset

set